



Broj: 02.8- 334/25
Sarajevo: 02.10.2025 god.

Na osnovu člana 7, 8 i 21.a člana Zakona o zaštiti ličnih podataka Bosne i Hercegovine (Sl.glasnik BiH, broj 49/06, 76/11, 89/11, 12/25) i člana 36 Statuta Javna Ustanova Psihijatrijska bolnica Kantona Sarajevo, direktorica Javna Ustanova Psihijatrijska bolnica Kantona Sarajevo, donosi;

O D L U K U

o pravilima obrade ličnih podataka putem video-nadzora

Član 1

(1) Odlukom o pravilima obrade ličnih podataka putem video nadzora utvrđuje se svrha i obim obrade ličnih podataka putem video-nadzora, vrsta ličnih podataka koji se obrađuju, davanje video nadzora trećoj strani, rokovi čuvanja i brisanje prikupljenih ličnih podataka u Javna Ustanova Psihijatrijska bolnica Kantona Sarajevo (u daljem tekstu bolnica).

(2) Video nadzor znači pribavljanje i u ograničenom vremenskom trajanju pohranjivanje vizuelnih zapisa iz praćenih mjesta gdje se kreću fizička lica, putem instaliranog video nadzora formom pasivnog nadziranja prostora.

(3) Svrha postavljanja video nadzora je osigurati sigurnost osoblja/radnika, pacijenata/posjetilaca, opreme i imovine bolnice, kao i zaštitu privatnosti svih uključenih strana, te sprečavanje protupravnih radnji osoblja/radnika i pacijenata/posjetilaca bolnice.

Član 2

(1) Video nadzor se provodi u svrhu zaštite sigurnosti pacijenata JU Psihijatrijska bolnica KS, radnika bolnice i posjetioca bolnice.

(2) Video nadzor je ujedno i ispomoć dežurnom medicinskom osoblju u djelokrugu njihova rada za procjenu stanja pacijenata i hitnu intervenciju u period dežure, ukoliko se ukaže potreba za njom.

Javna ustanova Psihijatrijska Bolnica Kantona Sarajevo

Nahorevska 248, 71000 Sarajevo, BiH • I.D. broj: 4200124040004 • PDV 200124040004

• Reg.broj 1-1203 04, Kantonalni sud Sarajevo •

Tel: +387 33 561 500 • Fax: +387 33 561 532 • Email: info@jagomir.ba • www.jagomir.ba



(3) Pored svrhe iz stave (1 i 2) ovog člana videonadzor se uspostavlja i koristit će se u svrhe unapređenja sigurnosti objekata i imovine, te sprečavanje protuprovalnih radnji usmjerenih prema imovini bolnice, te krađe, provale, uništenja i oštećenja imovine bolnice.

Član 3

(1) Video nadzor iz člana (1) ove Odluke uspostavlja se u prostorijama bolnice i prostoru koji se nalazi na adresi Nahorevska 248.

(2) Video nadzor iz stave (1) ovog člana obuhvata unutrašnje kamere (49), vanjske kamere (12), 4 monitora i uređaj za pohranu video zapisa snimač (3komada).

(3) Pacijenti bolnice, radnici i posjetioci će biti obaviješteni o vršenju video nadzora.

(4) Obavještenja iz stave (3) ovog člana će biti postavljena na ulazu u bolnicu i na ulazu u objekat na način da je vidljivo svima.

(5) Obavještenje je adekvatne veličine na kojem se nalazi slika kamere i jasno vidljiv natpis "OBJEKAT JE POD VIDEO NADZOROM".

(6) Obavještenje sadrži podatke o kontaktu/kontroloru sa brojem telefona putem kojeg se mogu dobiti opće informacije o video nadzoru.

Član 4

(1) Uspostava video nadzora, instaliranje, obrada i čuvanje podataka izvršena je u skladu sa Zakonom o zaštiti ličnih podataka (Službeni glasnik BiH, broj 49/06, 76/11, 89/11, 12/25), Zakonom o agencijama i unutrašnjim službama za zaštitu ljudi i imovine (Službene novine FBiH broj 78/08, 67/13) i Uredbom o poslovima tehničke zaštite koji se odnose na upotrebu alarmnih sistema, videonadzora ili drugih tehničkih sredstava i opreme te poslove intervencije u slučaju aktiviranja alarmnog sistema (Službene novine FBiH, broj 72/15).

(2) Video nadzor se vrši na način kojim se nadziru pristupi bolnici, zgradi uprave, objektu službe unutrašnje zaštite, parking, kotlovnica, zajedničke prostorije bolnice, ulazi, izlazi, hodnici.



Član 5

(1)Uređaj za snimanje se nalazi u prizemlju upravne zgrade, posebna prostorija-server soba. Prostorija je uvijek zaključana, ne koristi se u druge svrhe, i u nju pristup imaju samo osobe (službenik za lične podatke, glavni medicinski tehničar bolnice), po odobrenju direktora bolnice.

(2)Monitoring u relanom vremenu nad video nadzorom imaju referenti obezbjeđenja/zaštitari bolnice putem monitora u objektu službe unutrašnje zaštite i dežurno medicinsko osoblje putem monitora u prostoriji za dežuru. Na ovim mjestima ne postoji mogućnost pristupa snimcima niti snimaču.

(3)Kontrolor (direktor kao odgovorno lice bolnice) će snimke nastale korištenjem aplikacije za video nadzor pohranjene na snimaču koristiti u skladu sa Zakonom o zaštiti ličnih podataka, kao i propisima koji regulišu zaštitu ličnih podataka.

(4)Nastale snimke mogu se kopirati ili drugačije elektrosnki obrađivati zbog dokazivanja krađe, oštećenja imovine, ugrožavanja zdravlja i sigurnosti pacijenta bolnice, radnika i posjetilaca

(5)Podaci dobiveni putem video nadzora mogu se prenijeti tužiocu i ovlaštenom službenom licu nadležnog policijskog organa na CD-u, ili USB-, i to isključivo na osnovu pismenog službenog zahtjeva i /ili naredbe, u skladu sa odredbama Zakona o krivičnom postupku. Voditi evidenciju o ličnim podacima koji su dati na korištenje trećoj strani i svrsi za koju su lični podaci dati.

Član 6

(1)Snimak video nadzora obuhvata video zapis koji sadrži sliku, datum i vrijeme.

(2)Podaci prikupljeni putem video nadzora ne smiju se koristiti izvan zakonske namjene, kao ni suprotno Zakonu o zaštiti ličnih podataka (Sl.glasnik BiH, br.49/06, 76/11, 89/11, 12.25).

(3)Video zapis obuhvata kontinuirani period snimanja zadnjih 15 dana, nakon čega se isti automatski briše.

Član 7

(1)Odluka će se redovito pregledavati kako bi se osigurala usklađenost s novim zakonodavstvom i potrebama bolnice.

(2)Svaka revizija Odluke bit će dokumentovana, a promjene će biti proslijeđene svim radnicima bolnice.



(3) U slučaju nejasnoća ili dodatnih pitanja u vezi sa Odlukom, radnici su dužni obratiti se imenovanoj osobi za zaštita ličnih podataka, za pojašnjenja i dodatne informacije.

Član 8

Ova Odluka stupa na snagu danom donošenja i objavit će se na oglasnoj ploči/tabli i web stranici bolnice.

Dostaviti:

- pravno-kadrovska služba bolnice
- oglasna ploča/tabla bolnice
- web stranica bolnice
- a/a



Javna ustanova Psihijatrijska Bolnica Kantona Sarajevo

Nahorevska 248, 71000 Sarajevo, BiH • I.D. broj: 4200124040004 • PDV 200124040004

• Reg.broj 1-1203 04, Kantonalni sud Sarajevo •

Tel: +387 33 561 500 • Fax: +387 33 561 532 • Email: info@jagomir.ba • www.jagomir.ba